

ლაგოდეხის მუნიციპალიტეტის მერიის "სამართლებრივი უზრუნველყოფისა და
ზედამხედველობის სამსახურის ანგარიში

(01.01.2023 – 01.10.2023 წლები)

საანგარიშო პერიოდში სამსახურს დაეწერა შემოსული/შიდა მიმართვა/განცხადება -4450 (ოთხი ათას ოთხას ორმოცდაათი) კორესპონდენცია რომელთაგანაც 90% შესრულდა - მომზადდა ბრძანების პროექტი, გაცემული იქნა შესაბამისი პასუხი ან გადამისამართდა სხვა სამსახურში რეაგირებისათვის, ხოლო 10% მიმდინარე წარმოებაშია.

საანგარიშო პერიოდში სულ მომზადებული/დავიზებული იქნა მერის ინდივიდუალური ადმინისტრაციული-სამართლებრივი აქტის - ბრძანების - 2100 (ორიათას ასი) პროექტი. ხოლო სამშენებლო სამართალდარღვევის საქმეზე გამოცემულია სულ - 20 (ოცი) ინდივიდუალური ადმინისტრაციული-სამართლებრივი აქტი. საკრებულოს ინდივიდუალური ადმინისტრაციულ-სამართლებრივი აქტის - განკარგულების - 42 (ორმოცდაორი) პროექტი და საკრებულოს ნორმატიული ადმინისტრაციული-სამართლებრივი აქტის - დადგენილების- 11 (თერთმეტი) პროექტი. სამართლებრივი დახმარება გაეწიათ მუნიციპალიტეტის მერიის სამსახურების, ადმინისტრაციულ ერთეულებში დასაქმებულ თანამშრომლებს, მუნიციპალიტეტის მიერ დაფუძნებული იურიდიული პირების თანამშრომლებს, ასევე 1 000 - ზე მეტ მოქალაქეს სხვადასხვა შინაარსის საკითხზე, მათ შორის ქონების/ მიწის გამარტივებული წესით რეგისტრაციასთან დაკავშირებით

სამსახურის მიერ მომზადებული იქნა სამოქალაქო კოდექსით გათვალისწინებული ხელშეკრულების - 26 (ოცდაექვსი) სამართლებრივი ფორმა.

რაიონულ/სააპელაციო სასამართლოში განიხილებოდა 14 საქმე, თუმცა მიმდინარე საქმეების რაოდენობა სულ - 66 (სამოცდაექვსი) საქმეა (აქედან 30 აღიარების კომისიის). ამასთან, ლაგოდეხის მაგისტრატ სასამართლოში განიხილებოდა ადმინისტრაციული სამართალდარღვევის -4 (ოთხი) საქმე, ოთხივე საქმეზე მოპასუხე მხარე ცნობილი იქნა სამართალდამრღვევად. უნდა აღინიშნოს რომ მ/წელს „საქართველოს ადმინისტრაციულ სამართალდარღვევათა კოდექსში“ განხორცილებული ცვლილებებიდან გამომდინარე, გაიზარდა მუნიციპალიტეტის უფლებამოსილება, რაც გულისხმობს არა მხოლოდ სამართალდარღვევის გამოვლენას, არამედ სამართალდამრღვევი პირის მიმართ სახდელის შეფარდებასაც, რაც გასულ პერიოდში სასამართლოს უფლებამოსილებას განეკუთვნებოდა. სწორედ ამ მიზნით, კანონით გათვალისწინებული წესით დამტკიცდა მკაცრი აღრიცხვის ფორმა და შესაბამისად, დაიბეჭდა „საჯარიმო ქვითარი - ადმინისტრაციული სამართალდარღვევის ოქმი“-ს ფორმა, რაც სამსახურს საშუალებას მისცემს ოპერატიულად იმოქმედოს გამოვლენილ სამართალდარღვევაზე და დამრღვევს ადგილზე შეუფარდოს შესაბამისი სახდელი. დღეის მდგომარეობით შედგენილია ერთი „საჯარიმო ქვითარი - ადმინისტრაციული სამართალდარღვევის ოქმი“.

სამართლებრივი უზრუნველყოფისა და ზედამხედველობის სამსახურის მიერ გატარებული ღონისძიებებიდან (სამართალდარღვევები), სანქციების სახით მუნიციპალიტეტის ბიუჯეტში არქიტექტურულ-სამშენებლო საქმიანობაში გამოვლენილი დარღვევების გამო, შენობა-ნაგებობების მესაკუთრეების მიერ გადახდილია ჯარიმის სახით სულ - 5 400 (ხუთი ათას

ოთხასი) ლარი. სამსახურის მიერ ინტენსიურად ხორციელდება ადგილობრივი მოსაკრებლების ადმინისტრირება, რომელიც შეეხება ძირითადად სანებართვო მოსაკრებელსა და დასახლებული ტერიტორიის დასუფთავების მოსაკრებელს. საანგარიშო პერიოდში სამსახურის მიერ ამოღებულია ადგილობრივი მოსაკრებელი სულ - 219 266 ლარის ოდენობით, საიდანაც მშენებლობის სანებართვო მოსაკრებელი - 9137 ლარი, დასახლებული ტერიტორიის დასუფთავების მოსაკრებელი - 210 129 ლარი, შედარებისთვის 2023 წლის ბიუჯეტის ექვსი თვის გეგმის მიხედვით დასუფთავების მოსაკრებლის ამოღების მაჩვენებელი განსაზღვრულია - 180 000 ლარის ოდენობით.

საანგარიშო პერიოდში სამსახურის მიერ ექსპლუატაციაში იქნა მიღებული / ვარგისად იქნა აღიარებული - 87 (ოთხმოცდა შვიდი) შენობა ნაგებობა, ხოლო დღეის მდგომარეობით სამსახურის თანამშრომლების მიერ მონიტორინგი ხორციელდება - 167 (ას სამოცდაშვიდი) სამშენებლო პროექტზე.

ამასთან, შესაძლო სამართალდარღვევის (იგულისხმება სანებართვი პირობების დარღვევა) თავიდან აცილების მიზნით სამსახურში დანერგულია წინასწარი წერილობითი შეტყობინებების გაგზავნის პრინციპი, რომელიც იგზავნება სისტემატიურად, ხოლო ახალი სამშენებლო კოდექსიდან გამომდინარე დაინერგა მშენებლობის ეტაპობრივი მონიტორინგი და სამუშაოების ეტაპობრივად ჩაბარების სისტემა, რამაც მნიშვნელოვნად შეამცირა სამშენებლო სამართალდარღვევების ფაქტები.

მუნიციპალიტეტის მასშტაბით უნებართვო მშენებლობების პრევენციის მიზნით მუდმივ რეჟიმში ტარდება ცნობიერების ასამაღლებელი ღონისძიებები, კერძოდ დაბეჭდილია ფლაერები, საიდანაც მოქალაქეები იღებენ ინფორმაციას მშენებლობის ნებართვას დაქვემდებარებული სამშენებლო საქმიანობის, ნებართვის გამცემი ორგანოსა და უნებართვო მშენებლობის/დემონტაჟის შემთხვევაში სამშენებლო სამართალდარღვევისათვის კანონით გათვალისწინებული სანქციების თაობაზე. ფლაერები რიგდება ეტაპობრივად მუნიციპალიტეტის ყველა ადმინისტრაციულ ერთეულში, ვინაიდან მუნიციპალიტეტის მერიის მიზანია უნებართვო მშენებლობის ფაქტებისა და სამშენებლო სამართალდარღვევების შემცირება.

სამსახურის მიერ დასუფთავების მოსაკრებლის ამოღების გაუმჯობესების მიზნით დანერგულია ელექტრონული პროგრამა, შექმნილია აბონენტების ერთიანი ელექტრონული ბაზა, რაც უზრუნველყოფს სწრაფი გადახდის აპარატების საშუალებით დასუფთავების მოსაკრებლის გადახდის შესაძლებლობას. უნდა აღინიშნოს, რომ პროგრამამ მარტივი და მოქნილი გახადა დასუფთავების მოსაკრებლის გადახდა, ვინაიდან მოქალაქეებს აღარ უწევთ დამატებითი ფინანსური და დროის რესურსის ხარჯვა. მის მიერ შეტანილი თანხა სრულად აისახება აბონენტის ანგარიშზე. უკვე დანერგულია და მიმდინარეობს დასუფთავების მოსაკრებლის ქვითრის საშუალებით გადახდა, რამაც კიდევ უფრო მოქნილი გახადას დასუფთავების მოსაკრებლის ამოღების სისტემა და გაიზარდა ამოღებული მოსაკრებლის ოდენობას.

სამსახურის თანამშრომლები მუდმივ რეჟიმში ახორციელებენ ნარჩენების მართვის მონიტორინგს ლაგოდეხის მუნიციპალიტეტის ტერიტორიაზე. მიუხედავად საყოფაცხოვრებო ნარჩენების ინტენსიური რეჟიმით გატანისა, რიგ ადგილებში მაინც შეიმჩნევა ტერიტორიის

დაბინძურება და თვითნებური ნაგავსაყრელების არსებობა. შესაბამისად, თვითნებური ნაგავსაყრელების შექმნის პრევენციის მიზნით, მუნიციპალიტეტის მასშტაბით განთავსებულია როგორც ფოტოხაფანგები ასევე გამაფრთხილებელი ბანერები. სულ ადმინისტრაციული ერთეულების მიხედვით განთავსებულია 4 ფოტოხაფანგი და 65 ბანერი. საანგარიშო პერიოდში დაიხურა ორი სტიქიური ნაგავსაყრელი შრომასა და გიორგეთში.

მ/წელს მნიშვნელოვანი ნაბიჯები გადაიდგა მუნიციპალიტეტში პლასტიკის სეპარირები კუთხით, მუნიციპალიტეტის ადმინისტრაციულ ერთეულებში განთავსდა 25 ბადიანი ურნა, სოფელ კაბალში 20 ბადიანი ურნა (იაპონიის საელჩოს გრანტის ფარგლებში), ხოლო ქალაქ ლაგოდეხში 25 ბადიანი ურნა (UNDP-ის პროექტის ფარგლებში). ამ ეტაპისთვის მუნიციპალიტეტში უკვე დაწყებულია პლასტიკის სეპარირება, ამ ეტაპზე მიმდინარეობს მუშაობა სისტემის უკეთ ფუნქციონირებისათვის

ლაგოდეხის მუნიციპალიტეტის ტერიტორიაზე უპატრონო ძაღლების მომრავლების გამო, ცხოველთა უპატრონოდ მიტოვების თავიდან აცილების მიზნით განთავსებულია გამაფრთხილებელი ბანერები მუნიციპალიტეტის ცალკეულ ადგილებში, ასევე სამსახურს მჭიდრო კავშირი აქვს ა(ა)იპ „მიუსაფარი შინაური ცხოველების მართვის კახეთის ინტერმუნიციპალურ სააგენტოსათან“, ეტაპობრივად ხდება მომრავლებული ძაღლებისაგან როგორც ქალაქის, ასევე ადმინისტრაციული ერთეულების განტვირთვა და მათი გადაყვანა მუნიციპალიტეტის შედარებით დაუსახლებელ ტერიტორიაზე. საანგარიშო პერიოდში მუნიციპალიტეტის ადმინისტრაციული ერთეულებიდან სულ გაყვანილია 435 ძაღლი.

სამსახურის თანამშრომლების მიერ მომზადებული იქნა -25 (ოცდახუთი) დასკვნა მუნიციპალიტეტის ტერიტორიაზე მდგარი ხეების მოჭრა - გადაბელვასთან დაკავშირებით, რომელიც შესასრულებლად გადაეგზავნა ა(ა)იპ „ლაგოდეხის სერვის ცენტრს“. საანგარიშო პერიოდში მოჭრილი ხეებიდან სულ აღირიცხა 40 კუბ.მეტრი ხე-მასალა.

სამსახურის მიერ ინტენსიურად ხორციელდება ა(ა)იპ „ლაგოდეხის სერვის ცენტრის“ მიერ შესრულებული სამუშაოების მონიტორინგი, რომელიც შეეხება არა მარტო ხეების ჭრა/ვარჯირების საკითხს, არამედ სანიაღვრე არხების, ტერიტორიების გასაუფთავება/ მოსწორების სამუშაოებს წინასწარ შედგენილი დეფექტურ აქტთან მიმართებაში.

საანგარიშო პერიოდში ლაგოდეხის მუნიციპალიტეტის მერიაში შემოვიდა საჯარო ინფორმაციის მოთხოვნის შესახებ - 95 (ოთხმოცდათხუთმეტი) განცხადება, დაკმაყოფილდა მოთხოვნილი ინფორმაციის მიწოდებაზე - 80 (ოთხმოცი), უარი ეთქვა ინფორმაციის მიწოდებაზე პერსონალური ინფორმაციის არსებობის გამო - 5 (ხუთი) განცხადებაზე, ერთ შემთხვევაში მოთხოვნა დაკმაყოფილდა ნაწილობრივ, ორ შემთხვევაში განმცხადებელს განემარტა, რომ აღნიშული ინფორმაციის მისაღებად უნდა მიმართონ სხვა სტრუქტურულ ერთეულს. ამჟამად მიმდინარეობს 7 (შვიდი) განცხადების დამუშავება. მოთხოვნილ განცხადებებზე დადებითი ან/და უარყოფითი პასუხები გაცემული იქნა კანონით დადგენილი წესისა და ვადების დაცვით. საჯარო ინფორმაციის გაცემაზე უარის თქმის შემთხვევაში დაინტერესებული მხარის მიერ გადაწყვეტილება არ გასაჩივრებულა კანონით დადგენილი წესით.

აღსანიშნავია, რომ სამსახურის თანამშრომლები და სამსახურის უფროსი დამატებით ჩართულები არიან მერიაში შექმნილ არაერთ კომისიებსა თუ სამუშაო ჯგუფებში.

მუნიციპალიტეტის ტერიტორიაზე ცხოვრების ფაქტის დამდგენი კომისიის მიერ განხილულია სულ 6 (ექვსი) განცხადება, ექვსივე შემთხვევაში დადგინდა დაინტერესებული პირის მუნიციპალიტეტის ტერიტორიაზე ცხოვრების ფაქტი.

სამსახურის თანამშრომლები ჩართულები არიან სახელმწიფო შესყიდვების ხელშეკრულებების შესრულების კონტროლის მიზნით შექმნილ „სამშენებლო ინსპექტირების ჯგუფში, შესაბამისად, საანგარიშო პერიოდში თანამშრომლების მიერ კონტროლდება -33 (ოცდაცამეტი) ხელშეკრულება, რომელიც შეეხება როგორც საქონელის (ნივთების), ასევე მომსახურების შესყიდვას.

სამართლებრივი უზრუნველყოფისა და ზედამხედველობის

სამსახურის უფროსი

